



Province of the
EASTERN CAPE
EDUCATION

**NASIONALE
SENIOR SERTIFIKAAT**

GRAAD 11

NOVEMBER 2014

REKENINGKUNDE

PUNTE: 300

TYD: 3 uur

Hierdie vraestel bestaan uit 16 bladsye.



★ I A C C N A ★

INSTRUKSIES EN INLIGTING

1. Hierdie vraestel bestaan uit SES verpligte vrae.
2. Beantwoord AL die vrae in die antwoordeboek wat voorsien word.
3. Waar van toepassing, moet bewerkings getoon word om deelpunte te verdien.
4. Nieprogrameerbare sakrekenaars mag gebruik word.
5. Jy mag 'n donker potlood of swart/blou ink gebruik om die vrae te beantwoord.
6. 'n Uiteensetting van die vrae word hieronder voorsien. Probeer om by die voorgestelde tyd vir elke vraag te hou en om NIE daarvan af te wyk NIE.

VRAAG	ONDERWERP	INHOUD	PUNTE	TYD (minute)
1	Rekonsiliasie en Vaste bates	Finansiële Rekeningkunde <ul style="list-style-type: none"> • Ontleding van bankreksiliasie inligting • Krediteurerekonsiliasie Bestuur van hulpbronne <ul style="list-style-type: none"> • Berekening en Bateverkope 	50	30
2	Nie-winsgewende organisasies (Klubs)	Finansiële Rekeningkunde <ul style="list-style-type: none"> • Algemene grootboekrekening vir ledegeld en voorraad. • Interne kontrole 	45	27
3	Finansiële state	Bestuursrekeningkunde <ul style="list-style-type: none"> • Inkomtestaat met aansuiwerings • Notas tot balansstaat 	60	36
4	Vennootskappe en interpretasie	Finansiële Rekeningkunde <ul style="list-style-type: none"> • Nota tot balansstaat • Berekening van verhoudings • Interpretasie en kommentaar 	50	30
5	Kosteberekeninge (Vervaardiging)	Bestuursrekeningkunde <ul style="list-style-type: none"> • Begrippe • Algemene grootboekrekeninge 	35	21
6	Begroting en probleemoplossing	Bestuursrekeningkunde <ul style="list-style-type: none"> • Voorbereiding van kontantbegroting • Interpretasie van begrotingsinligting • Probleemoplossing – Bestuur van voorraad 	60	36
			300	180

VRAAG 1: REKONSILIASIE EN VASTE BATES

(50 punte; 30 minute)

1.1 BANKREKONSILIASIE

Die inligting voorsien, is geneem uit die rekords van Smart Outfitters op 31 Augustus 2014.

OPDRAG:

Ontleed elke transaksie deur die kolomme op die voorsiene tabel, te voltooi. (15)

Voorbeeld: Die bankstaat toon rente op die oortrokke rekening van R85,00.

NR.	JOERNALE EN BANKREKENING			BANKSTAAT		GEEN INSKRY- WING (Merk)
	Besonderhede van kontra rekeninge	Bedrag gedebiteer	Bedrag gekrediteer	Bedrag gedebiteer	Bedrag ge- krediteer	
VB	<i>Rente op oortrekking</i>		<i>R85,00</i>			

TRANSAKSIES:

- A. 'n Deposito van R4 500, gemaak op 30 Augustus 2014, verskyn in die kontantjoernaal maar nie op die bankstaat nie.
- B. Rente van R120, verdien op die kredietsaldo van die bankrekening, is nog nie deur die besigheid aangeteken nie.
- C. 'n Aftrekorder, vir R5 500, vir die maandelikse terugbetaling van die lening van Maxi Bank moet nog deur die besigheid aangeteken word.
- D. Tjek nr. 221, vir R1 480 ('n vooruitgedateerde tjek) uitgereik aan 'n krediteur as gedeeltelike betaling van die rekening, verskyn in die kontantjoernaal.
- E. Tjek nr. 243 vir R175 verskyn op die bankstaat. Hierdie tjek was uitgereik aan Oxford Tennisklub vir die eienaar se ledegeld. Dit was verkeerdelik as R157 in die kontantjoernaal aangeteken.
- F. 'n Tjek vir R680 is ontvang van M. Madhan ('n debiteur), gedateer 30 September 2014. Dit sal op die tjekdatum gedeponeer word.
- G. 'n Tjek vir R570, uitgereik aan die plaaslike koerant vir 'n advertensie, het verlore geraak. Hierdie tjek sal in September 2014 vervang word met 'n nuwe tjek vir dieselfde bedrag.
- H. Tjek no. 209 vir R880, van die vorige versoeningstaat, uitgereik aan Telkom vir die maandelikse telefoonrekening, verskyn in Augustus 2014 se bankstaat.
- I. 'n Salaristjek van die klerk wat met verlof is, is nie by die bank gewissel nie. Die klerk se bruto salaris is R5 680. Die totale aftrekkings vir die maand beloop R2 270.

1.2 KREDITEUREREKONSILIASIE

'n Staat ontvang van Trodat Handelaars, op 26 September 2014, toon dat Pretty Boutique **R16 091** aan hulle verskuldig is. Volgens Pretty Boutique, is die bedrag verskuldig aan Trodat Handelaars slegs **R10 991**.

OPDRAG:

Voltooi die tabel om die verskille aan te dui, wat ontdek is toe die Krediteure grootboek met die staat wat ontvang is, vergelyk is. (15)

Skryf die bedrae slegs in die toepaslike kolom/me. Dui die toename of afname aan deur 'n (+) of (-) of (Dt) of (Kt) teenoor elke bedrag te skryf.

Bereken die korrekte saldo aan die einde van die maand.

INLIGTING:

- A. Pretty Boutique het 'n inskrywing vir korting van R300 op 'n betaling van R3 000 wat gedurende Augustus gemaak is. Trodat Handelaars het egter nie hierdie korting toegelaat nie aangesien die tjek baie laat ontvang is.
- B. 'n Faktuur ontvang van Trodat Handelaars vir R6 280 is korrek ingeskryf in die boeke van Pretty Boutique. Dit is verkeerdelik as R6 820 op die staat aangedui.
- C. Goedere teruggestuur aan Trodat Handelaars vir R890 is ingeskryf as R960 op die staat. Pretty Boutique het die koste van hierdie goedere teruggestuur, verkeerd bereken.
- D. 'n Faktuur vir R2 000, ontvang van Trodat Handelaars, is verkeerdelik as 'n debietnota ingeskryf in die Krediteure grootboek van Pretty Boutique.
- E. 'n Tjek vir R5 000 uitgereik op 29 September 2014 aan Trodat Handelaars, verskyn slegs in die Krediteure grootboek rekening.
- F. Goedere ter waarde van R4 670 is op 30 September 2014 aangekoop, nadat die staat ontvang van Trodat Handelaars, reeds afgesluit is.

1.3 VASTE BATES

Die inligting voorsien, is geneem uit die boeke van East-End Stores. Die finansiële jaar eindig op 28/29 Februarie elke jaar.

OPDRAG:

- 1.3.1 Bereken die ontbrekende bedrae aangedui deur **A** tot **C** op die gegewe Opgehoopte Waardevermindering op Toerusting rekening. (11)
- 1.3.2 Voltooi die Bateverkope rekening in die Algemene Grootboek. (7)
- 1.3.3 Gee 'n geldige rede waarom die toerusting verkoop is. (2)

INLIGTING:

- A. Uittreksel uit die Algemene Grootboek van East-End Stores.

ALGEMENE GROOTBOEK VAN EAST-END STORES TOERUSTING (B8)

2012 Mrt	1	Bank	140 000	2013 Feb	28	Saldo	190 000
Sep	01	Krediteurekontrole	50 000				
			190 000				190 000
2013 Mrt	1	Saldo	190 000	2013 Sept	01	Bateverkope	50 000
Des	01	Bank	80 000			Saldo	220 000
			270 000				270 000
2014 Mrt	1	Saldo	220 000				

OPGEHOOPTE WAARDEVERMINDERING OP TOERUSTING (B9)

2013 Sept	01	Bateverkope	B	2013 Feb	28	Waardevermindering	33 000
				2013 Sept	1	Waardevermindering	A
				2014 Feb	28	Waardevermindering	C

VERLIES MET VERKOOP VAN BATE (N12)

2013 Sept	01	Bateverkope	1 600				

- B. Die toerusting aangekoop op 1 September 2012, is kontant op 1 September 2013 verkoop.
- C. Waardevermindering op toerusting word teen 20% p.j. op kosprys bereken.

VRAAG 2: SPORTKLUBS

(45 punte; 27 minute)

Jy word voorsien van inligting uit die boeke van die klub, Amatole Hiking Klub. Die finansiële jaar van die klub eindig op 31 Desember 2013.

OPDRAG:

- 2.1 Voltooi die volgende rekeninge in die Algemene Grootboek van Amatole Hiking Klub. Balanseer of sluit die rekeninge af op 31 Desember 2013.
- 2.1.1 Krediteurekontrole (Outdoor Vervaardigers). (7)
- 2.1.2 Rugsakke voorraad rekening. (Let daarop dat die klub die deurlopende voorraadstelsel gebruik om die voorraad rugsakke aan te teken.) (12)
- 2.1.3 Ledegeld rekening. (16)
- 2.2 Die nuwe lede was ontevrede oor die fooie wat hulle vir die jaar moes betaal.
- 2.2.1 Verskaf 'n moontlike rede waarom hulle so voel. (2)
- 2.2.2 Maak 'n voorstel aan die komitee hoe om hierdie saak aan te spreek. (2)
- 2.3 Die voorsitter is bekommerd oor die wyse waarop die tesourier die invordering van fooie hanteer.
- 2.3.1 Waarom, dink jy, is sy bekommerd? (Haal relevante syfers aan om jou antwoord te motiveer.) (2)
- 2.3.2 Maak TWEE voorstelle wat die tesourier kan gebruik om die invordering van fooie van lede te verbeter. Let daarop dat die voorsitter nie ten gunste daarvan is om lede met rente op uitstaande rekeninge te belas nie. (4)

INLIGTING:**A. Uittreksel uit die na-afsluitingsproefbalans op 31 Desember 2012.**

	DEBIETE	KREDIETE
Voorraad rugsakke teen R250 elk	6 000	
Krediteure (Outdoor Vervaardigers)		750
Opgelope inkomste: ledegeld	5 400	
Vooruitontvangte inkomste: ledegeld		1 500

B. Uittreksel uit die kontantjoernale vir die jaar geëindig 31 Desember 2013.

Rugsakke kontant aangekoop teen R250 elk	15 000
Betalings aan Outback Vervaardigers (Krediteur)	7 250
Rugsak-verkope	28 910
Ledegeld ingevorder:	60 300
• 2012 ledegeld ontvang	3 600
• 2013 ledegeld ontvang	54 000
• Ledegeld ontvang vir 2014	2 700

C. Rugsakke:

- Rugsakke word aan lede teen 'n winsopslag van 18% verkoop.
- Alle verkope is slegs kontant.
- Alle rugsakke word aangekoop van Outdoor Vervaardigers (kontant en op krediet). Die klub kry die rugsakke teen dieselfde prys sedert 2011. 'n Bedrag van R2 750 is steeds verskuldig aan Outdoor Vervaardigers vir rugsakke op krediet aangekoop.
- Twaalf (12) rugsakke is teruggestuur aan Outdoor Vervaardigers as gevolg van foute aan die sakke. 'n Kredietnota vir die volle bedrag is ontvang.
- Ses (6) rugsakke is gebruik as pryse tydens 'n fondsinsameling vir die klub.
- Daar is 'n aantal onverkoopte rugsakke in voorraad aan die einde van die finansiële jaar.

D. Ledegeld:

- Ledegeld beloop R300 per lid per jaar.
- Op 31 Desember 2012, was 190 lede by die klub geregistreer.
- Ledegeld steeds uitstaande vir 2012, moet afgeskryf word en die lidmaatskap van hierdie lede moet op 1 Januarie 2013 beëindig word.
- Op 6 April 2013, het 14 nuwe lede by die klub aangesluit. Hulle het hul intreegeld en ledegeld ten volle betaal.
- Op 31 Julie 2013, het 8 nuwe lede by die klub aangesluit. Hulle het hul finansiële verpligtinge nagekom.
- Die sekretaris het versoek dat 'n deel van sy honorarium van R500 teruggehou moet word om sy ledegeld te betaal. Die versoek is toegestaan.
- Sommige lede het nie hul ledegeld vir 2013 betaal nie.

**VRAAG 3: INKOMSTESTAAT EN NOTA TOT
BALANSSTAAT**

(60 punte; 36 minute)

Jy word voorsien van inligting uit die boeke van Queen Winkels vir die finansiële jaar geëindig 30 Junie 2014.

OPDRAG:

- 3.1 Voltooi die **Inkomstestaat** vir die jaar geëindig 30 Junie 2014.
Toon alle bewerkings om deelpunte te verdien. (52)
- 3.2 Voltooi die volgende nota tot die balansstaat: **Handel en ander ontvangbare bedrae**. (8)

INLIGTING:

- A. **Saldo's en totale van die Vooraansuiweringsproefbalans op 30 Junie 2014.**

Vaste deposito: Mandi Bank (9% p.j.)	60 000
Lening: Flow Bank	171 000
Handelsvoorraad	50 555
Debiteurekontrole	36 420
Voorsiening vir oninbare skuld	2 195
Verkope	930 000
Koste van Verkope	620 000
Debiteureafslag	3 350
Foosie-inkomste	32 550
Salarisse en lone	56 400
Verbruiksgoedere	12 820
Skryfbehoeftes	5 440
Huurinkomste	35 600
Rente op vaste deposito	4 725
Korting toegestaan	1 240
Korting ontvang	2 565
Advertensies	2 260
Bankkoste	5 440
Versekering	8 800
Oninbare skuld	2 100
Diverse uitgawes	18 000

2. Aansuiwerings en addisionele inligting:

- a) 'n Afslag van R240, toegestaan aan 'n debiteur, A. Abdool, vir beskadigde goedere aan hom verkoop, moet nog aangeteken word.
- b) Die volgende faktuur, uitgereik aan debiteur B. Xhali, is nog nie ingeskryf nie.
Alle goedere word verkoop teen 'n winsopslag van 60% op kosprys.

QUEEN WINKELS KREDIETVERKOPE FAKTUUR			
Aan: B. Xhali			No 122
Terme: 30 dae min 5%			Datum: 28 Junie 2014
Hoeveelheid	Beskrywing	Eenheidsprys	Totaal
4 pare	Dames skoene	R330,00	1 320,00
2 blikkies	Skoenpolitoer	R40,00	80,00
			1 400,00
	Skoen herstelwerk		120,00
			1 520,00
BF&W			

- c) Die voorsiening vir oninbare skuld moet aangepas word tot 5% van die debiteurekontrole saldo (nadat bogenoemde in ag geneem is).
- d) Volgens 'n fisiese voorraadopname op 30 Junie 2014, is die voorraad op hande as volg:
- Handelsvoorraad, R45 650
 - Verbruiksgoedere, R720.
- e) Advertensie-uitgawe sluit R735 in vir 'n drie maande kontrak met die *Daily Dispatch*, wat vanaf 1 Junie 2014 loop.
- f) Die volgende inligting verskyn in die Junie bankstaat: (hierdie items moet nog in berekening gebring word)
- Bankkoste, R350
 - Rente gedebiteer, R220
 - Direkte deposito vir Junie 2014 se huur van M. Moses. Die huur is met R200 per maand verhoog vanaf 1 April 2014.
 - Betaling vir versekering van R1 250. 20% van hierdie bedrag is vir die eienaar se privaat voertuig.
- g) Rente op die verbandlening is gekapitaliseer. Die leningstaat ontvang van Flow Bank gee die volgende opsomming:

Saldo op 1 Julie 2013	300 000
Totale terugbetalings (insluitende rente)	129 000
Saldo op 30 Junie 2014.	198 450

- h) R30 000 van die vaste deposito het op 31 Januarie 2014 verval. Die bedrag is ontvang en gebruik om die stoorkamer te vergroot. Neem die uitstaande rente op vaste deposito in ag.

VRAAG 4: VENNOOTSAPPE EN ONTLEDING VAN VERHOUDINGS

(50 punte; 30 minute)

Die inligting kom uit die boeke van ST Handelaars. Die besigheid is 'n vennootskap, met vennote Sam en Tom Tibs. Die finansiële jaar eindig op 28 Februarie 2014.

OPDRAG:

- 4.1 Voltooi die nota in die balansstaat vir die **Privaatrekeninge**.
(Verwys na punt 2) (21)
- 4.2 Bereken die volgende finansiële verhoudings/aanwysers:
- 4.2.1 Skuld/ekwiteitsverhouding. (5)
- 4.2.2 Vuurproefverhouding. (5)
- 4.2.3 Persentasie opbrengs op belegging verdien deur Sam. (6)
- 4.3 Behoort Sam tevrede te voel met die opbrengs op sy belegging?
Verduidelik; haal relevante syfers of finansiële aanwysers aan om jou antwoord te staaf. (3)
- 4.4 Tom was bekommerd omdat die persentasie netto wins op verkope gedaal het terwyl die bedryfswins op verkope verbeter het. Gee aan hom 'n verduideliking. Haal relevante syfers aan in jou verduideliking. (3)
- 4.5 Lewer kommentaar oor die likiditeitsposisie van die besigheid. Haal TWEE relevante finansiële aanwysers aan (met syfers) in jou antwoord. (4)
- 4.6 Sam wil die lening verhoog met 'n addisionele R150 000 om verbeteringe aan die bestaande geboue aan te bring. Watter advies het jy vir hom? Jy moet verwys na finansiële aanwysers en syfers om jou advies te steun. (3)

INLIGTING:**1. Uittreksel uit die proefbalans op 28 Februarie 2014**

Kapitaal: Sam	750 000
Kapitaal: Tom	500 000
Privaatrekening: Sam (1 Maart 2013)	6 750
Privaatrekening: Tom (1 Maart 2013)	9 800 (Dt)
Onttrekkings: Sam	?
Onttrekkings: Tom	?
Lening : Drago Bank	820 000
Bank (Kt)	7 750 (Kt)
Wisselgeld	1 300
Voorraad (Handelsvoorraad)	28 620
Handel en ander ontvangbare bedrae	37 500
Handel en ander betaalbare bedrae	32 300
Verkope	1 120 000
Wins en Verlies (Netto wins vir die jaar)	?

2. Vennote se verdienstes en onttrekkings:

- Sam verdien 'n salaris van R102 000 per jaar. Tom verdien 5% meer as Sam.
- Rente op kapitaal word bereken teen 8% per jaar. Tom se rente beloop R40 000. Let daarop dat Sam sy kapitaal met R25 000 vermeerder het op 1 Desember 2013. Dit was korrek aangeteken.
- Tom is geregtig op 'n produksiebonus gelyk aan 1,5% van omset.
- Die oorblywende wins of verlies word tussen Sam en Tom verdeel in die verhouding 3 : 2. Die oorblywende wins verdien deur Tom was R7 500 nadat alle aansuiwerings gedoen is.
- Tom het 60% van sy totale verdienste vir die finansiële jaar onttrek.
- Sam se privaatrekening eindig met 'n kredietsaldo van R32 550.

3. Die volgende finansiële aanwysers is bereken:

	28 FEBRUARIE 2014	28 FEBRUARIE 2013
Bedryfswins op verkope	36,6%	34%
Persentasie netto wins op verkope	30,6%	33%
Bedryfsverhouding	1,7: 1	1,98: 1
Vuurproefverhouding	?	1,1: 1
Voorraad omsetsnelheid	14,6 keer	15 keer
Skuld/ekwiteitsverhouding	?	0,56: 1
Opbrengs op vennote se ekwiteit	26,8%	27,2%

VRAAG 5: KOSTE REKENINGKUNDE (VERVAARDIGING)

(35 punte; 21 minute)

5.1 Dui die kostekategorie aan vir elkeen van die items hieronder gelys.

5.1.1 Advertensies

5.1.2 Produksie-lone

5.1.3 Kantoor se telefoonuitgawe

5.1.4 Waardevermindering op fabrieksmasjinerie

5.1.5 Grondstowwe gebruik in produksie (5)

5.2 Die volgende inligting is geneem uit die boeke van Classic Vervaardigers. Die finansiële jaar eindig op 30 April 2014.**OPDRAG:**

5.2.1 Bereken:

a) Direkte arbeidskoste (8)

b) Fabrieks bo-koste (5)

5.2.2 Voltooi die volgende rekeninge in die Algemene grootboek. Sluit die rekeninge behoorlik af aan die einde van die finansiële jaar.

a) Goedere in bewerking rekening (10)

b) Klaarprodukte voorraad rekening (7)

INLIGTING:

1. Voorraadsaldo's:	30 APRIL 2014	1 MEI 2013
Grondstof	?	23 430
Goedere in bewerking	62 760	58 450
Klaarprodukte voorraad	?	145 500

2. Grondstowwe gebruik tydens produksie, R312 654.

3. Salarisse en lone:
Die werknemers-register toon die volgende:

	AANTAL	BASIESE SALARIS/LOON		TOTALE KOSTE	OORTYD	
Werknemers in produksie	3	NORMALE TYD (URE)	TARIEF (per uur)	?	URE GEWERK (per werker)	TARIEF (per uur)
		1 440	R55		120	R75
Fabrieks-voorman	1	R8 000 per maand		R106 560	-	
Skoonmakers	2	R4 000 per maand		R106 560	-	

- Pensioenfonds van 8% en WVF van 1% word afgetrek van die basiese salarisse/lone van alle werknemers.
 - Die werkgever dra 10% by tot die pensioenfonds en 1% tot die WVF, namens die werknemers.
 - Alle werknemers voordele (aftrekkings) moet toegedeel word aan die relevante koste rekeninge van die spesifieke werknemers.
 - Een van die skoonmakers werk in die fabriek.
4. Totale fabrieks bo-koste beloop R98 460. Dit sluit nie enige fabrieksalarisse en lone in nie.
5. Totale verkope vir die jaar was R1 260 000. Die winsopslag op kosprys is 60%.

VRAAG 6: BEGROTINGS

(60 punte; 36 minute)

6.1 Voltooi die volgende sinne. Skryf slegs die woord(e) teenoor die vraagnommers in die antwoordeboek.

- 6.1.1 Die hoof doelstelling met die voorbereiding van 'n begroting is ...
- 6.1.2 ... is 'n voorbeeld van 'n item wat in 'n kontantbegroting sal voorkom, maar nie in 'n geprojekteerde inkomstestaat nie sal verskyn nie.
- 6.1.3 ... is 'n voorbeeld van 'n item wat in 'n geprojekteerde inkomstestaat sal voorkom, maar nie in 'n kontantbegroting nie.
- 6.1.4 Die aankoop van 'n voertuig is 'n item wat sal verskyn in 'n ... begroting. (8)

6.2 KONTANTBEGROTING

Jy word voorsien van inligting aangaande Sharp Handelaars, 'n eenmansaak. Die finansiële jaar eindig elke jaar op 31 Oktober.

OPDRAG**6.2.1 Bereken:**

- a) Die kontant ontvang van debiteure gedurende November 2014. (8)
- b) Oninbare skuld wat afgeskryf moet word vir die begrotingsperiode. (5)
- c) Korting wat toegestaan moet word gedurende Desember 2014. (3)

Toon bewerkings om deelpunte te verdien.

- 6.2.2 Voltooi die kontantbegroting vir November en Desember 2014. (24)
- 6.2.3 Die eienaar het die werklike bedrae spandeer, vergelyk met die begrote bedrae en het die volgende verskille gevind:

- Die begrote bedrag vir huurinkomste was baie meer as die werklike bedrag wat van die huurder ingevorder is.
- Hy het te veel begroot vir advertensies.
- Hy het te min begroot vir die onderhoud van voertuie en toerusting.

Watter advies het jy vir die eienaar?

Geen EEN aanbeveling vir elk van die items hierbo. (6)

INLIGTING:1. **Saldo's op 1 November 2014.**

Oortrokke bank	40 000
Opgelope uitgawes (salarisse)	4 500

2. **Inligting verkry uit die Inkomstestaat op 31 Oktober 2014 (die einde van die vorige finansiële jaar).****Bedryfsuitgawes:**

• Salarisse	216 000
• Advertensies	21 500
• Korting toegestaan	11 900
• Oninbare skuld	12 000
• Ander bedryfsuitgawes	168 000

3. **Gedeeltelik voltooide kontantbegroting vir 1 November 2014 tot 31 Desember 2014.**

	NOVEMBER	DESEMBER
TOTALE ONTVANGSTES	168 000	120 000
KONTANT BETALINGS		
Kontant aankope	27 000	?
Betalings aan krediteure	38 250	?
Ander bedryfsuitgawes	14 000	14 000

4. **Totale maandelikse verkope vir 2014: Alle verkope is op krediet.**

WERKLIKE			BEGROTE	
AUGUSTUS	SEPTEMBER	OKTOBER	NOVEMBER	DESEMBER
60 000	70 000	85 000	90 000	94 000

- Koste van verkope is gelyk aan 75% van totale verkope.
- Die geld deur debiteure verskuldig vir die bogenoemde verkope word as volg ingevorder:
 - 40% in die maand van verkope (12½% korting vir vroeë betaling word toegestaan).
 - 35% in die maand wat volg op verkope.
 - 20% in die tweede maand na verkope.
 Die balans word afgeskryf as oninbare skuld in die derde maand.
- 40% van aankope word per tjek betaal. Krediteure word betaal in die maand wat volg op die aankope. Handelsvoorraad word op 'n konstante vlak gehou deur maandelikse aankope.
- Advertensiekoste word gebaseer op geprojekteerde maandelikse verkope en word betaal in dieselfde maand. Ons verwag dat dit in Desember van 3% tot 4% sal verhoog.
- Die besigheid het 4 werkers in diens wat elk R4 500 per maand verdien. Die salaris uitstaande vir Oktober 2014, sal in November 2014 betaal word.
- Nuwe toerusting, R17 400 sal gedurende November 2014 op krediet gekoop word. Dit sal betaal word in 6 gelyke paalemente, vanaf 20 Desember 2014.

11. Ander bedryfsuitgawes beloop R14 000 per maand.

6.3 PROBLEEMOPLOSSING: BESTUUR VAN VOORRAAD

Baker is die eienaar van twee skool snoepwinkels. Betty is die bestuurder van Winkel A en Benny is die bestuurder van Winkel B.

Elke bestuurder verdien R1 000 per week.

Elke snoepwinkel verkoop slegs aartappelskyfies en sappe. Die skyfies kos R5,00 per pakkie en word verkoop teen 'n winsopslag van 50% op kosprys. Die winsopslag op die sap is 25% op kosprys en word teen R10,00 elk verkoop.

OPDRAG:

Identifiseer EEN probleem in elke snoepwinkel en voorsien EEN oplossing of punt van advies in elke geval. Haal relevante syfers aan vir elke probleem.

INLIGTING:

Vir Oktober 2014	WINKEL A		WINKEL B	
	SKYFIES	SAP	SKYFIES	SAP
Openingsvoorraad (eenhede)	300	200	150	90
Voorraad voorsien deur Baker (eenhede)	400	400	400	400
Sluitingsvoorraad (eenhede)	200	150	330	120
Eenhede verkoop	420	450	220	370
Kontant gedeponeer (Rande)	R3 150	R4 500	R1 650	R3 200

60

GROOTTOTAAL: 300